

УДАРНИК

Бадзым государственной уж

Колхоз'эслэсь общественной муз'ем'эссэс азланьын разбазаривать каронлэсь возман но колхозной землепользованин лэсьтэм искаженности тупатон цельёсын ВКП(б) ЦК-лэн майской пленумез вань партийной но советской организациосты 15 августозь обязать кариз „колхозник'эслэсь личной пользованиязы возён вань приусадебной участок'эсты, со пöлысь ик колхозник'эслэсь сыче муз'ем'эссэс, куд'эсыз колхоз'эслэн бусыосазы но юрт-ерулын луо, но ш озы ик единоличник'эслэсь но колхозын сылсьтэм мукет мурт'эслэсь вань муз'ем'эссэс мерган ортчтыны.

Приусадебной участок'эсты мерган бадзым государственной но политической меропрятне, та еще партилэсь но правительстволэсь асьмелэн колхоз'эсмылэн судьбазы понна но сельхозартельлэсь уставзэ соблюдать карон сярысь сюлмаськемзэ возматэ.

Колхоз'эслэн общественной муз'ем'эссы—колхозной стройлэн кужыме лэн но юнлыкелэн основной источник. Соин ик колхозной землепользованин большевистской порядок тупатон. Возмано сое котькудизлэсь, кин колхозной общественной хозяйство понна уг сюлмаськы, сое палэнэ кельтэ но, пöртэм амал'эсын пöяса, аслэсьтыз личной хозяйствозэ гинэ бадзыматыны туртске.

Приусадебной участок'эсты мерганэз орчтыон понна районамы 12 комиссияс организовать каремын. Соос ваньмыз 1 июле уж борлы кутскизы ини. Нырысь нунал'эслэн итог'ё сы возматыз, что куд колхоз'эсын уставной нормаослэсь выль луйсь участок'эс шедьыло.

СССР-лэн Совнаркомез но ВКП(б)-лэн Центральной Комитетэз кулэ каро, чтобы котькуд приусадебной участок'эсты мертамлэн результат'эсыз одно ик акт вылэ гожтэмын мед луозы. Актын возматон кинлэн участокез, кыче солэн общой площадез, со пöлы ик юрт'ер'эс улысь площадез одйг сюмос гектарозь точностен ляд'яса, возмат'эське кузьдалаез, пасьталаез уставлэн нормаосызлэсь ятыр луйсь площадезлэн размерез.

Мертамлэн результат'эсыз 15 августлэсь бере кылытэк райсполкомлэн президиумаз эскеремын но юнматэмын мед луозы. Собере со комиссия ик райсполкомлэн тупатэм дыраз 15 ноябрьлэсь бере кылытэк колхозник'эслэн приусадебной муз'ем'эссылэсь, единоличник'эслэн но мукет'эсызлэн колхозын сылсьтэм мурт'эслэн муз'ем'эссылэсь мултэссэ вандонэз орчтытэ.

Приусадебной участок'эсты мерганэз орчтыны партия но правительство туж валамон валэктон'ёе сётны. Соосты умой-умой, большевистский быдэстон—тани ма понна нюр'ясыкыны кулэ вань партийной, советской организациослы, земельной орган'эслы.

Мерган уж'эсты азинлыко орчтытыса, колхозной землепользованин большевистской порядок пункт. „Колхоз'эслэсь общественно муз'ем'эссэс разбазаривать каронлэсь возманлэн мераосыз сярысь“ партилэсь но правительстволэсь постановленизэс уж вылын шонер быдэ'яно. Сельскохозяйственной артелиэ—колхозной стройлэсь основной формаэз юнматонлы но будэтонлы со туж бадзым юрттэт сётос.

Усадьбаосты мерган кутскиз

„Колхоз'эслэсь общественной муз'ем'эссэс разбазаривать каронлэсь возманлэн мераосыз сярысь“ ВКП(б)-лэн Центральной Комитетэзлэсь но советской правительстволэсь постановленизэс уж вылын быдэстон борды кутскизы. Та постановление усадьбаосты мергаса ветлйсь комиссиясты еще бдильной но самоотверженной луэмзэс куре.

М-Пургинской сельсоветысь усадьбаосты нырысь нуналэ ик мерган орчтытэмын „Шор муч“ но Буденныйлэн нимыныз нимама колхоз'эсын. Нырысь нуналэ татын ужазы райзолэн ст. агрономез Мауриин, сельсоветлэн председателэз Быков, колхоз'эслэн председателэ'эссы но комиссилэн член'эсыз.

Сельскохозяйственной артельлэн примерной уставезлэн муз'ем сярысь разделаз верамамы: „Колхоз“

ной дворлэн аслаз ужаны юрт котыраз вис'ям муз'емез (улоно юрт-ер улысь муз'емез ляд'ятэк) черын (четверть гектарысен жыны гектарозь луыны быгатэ“. Колхозник'эслэн—ударник'эслэн 2-тй Всесоюзной с'ездэнызы кутэм артельлэн примерной уставез нокизы но уг лэзы тупатэм нормалэсь вылтй усадьба возыны.

„Шор муч“ колхозысь Тимаков Михаил но Викулов Кузьма колхозник'эслэн приусадебной участок'эссы 0,25-0,50 гектар интые, быдэн 0,64 га.

Буденныйлэн нимыныз нимама колхозын, сельхозартельлэсь уставзэ тйям сярысь 4 случай шедьтэмын. Колхозлэн правлениез сельхозартельлэсь уставзэ чутрак тйяса ужам. Н. Девятовлы колхозлэн севооборотысьтыз 0,45 га усадьба сётэм. **Вл. Фад.**

Самодетельной художник'эслы юрттэт

Каждой нуналэн будэ Республикамы изобразительной искусствоем заниматься карыны желать карисьлэн лядзы. ИЗО искусство областын соослэсь грамотностьсэс будэтон целен Удмуртской АССР-ысь калык творчестволэн домез 1939 арын сентябрь толзэьысен суреданлы но живописьлы кунь

ар'ем заочной дышетон организовать каре.

Курс'эслэн основной задачаенызы луэ—дышеткисьлы начальной художественной грамота сётон, изобразительной искусствоем социалистической реализмэсь методзэ но задачаоссэ валатон, солы самодетельной движенилэн активной учасникеныз луыны юртгон.

Нырысь нунал'эс ляб дасяськемез возматйзы

Ср-Кечевской сельсоветысь „Юлтош“, Ленинлэн но Сталинлэн нимыныз нимама колхоз'эс но мукет'эсыз турын но клевер турнаны кутскизы. Турын октыны-калтыны кутскоялэн нырысь нунал'эсыз ик возматйзы, что колхоз'эс та ужлы урод дасяськызы.

Ленинлэн нимыныз нимама колхозын нырысь но кыктэти нунал'эсы одйг мурт но нормазэ оз быдэстэ. Быдэс нунал чоже 8 кузя 0,35 гектар вылысь гинэ турын турназы, нош норма одйг муртлы тупатэмын 0,25 га. Татын турнасьёс тросэз тупатытэ кусоосын потйзы, нош турнасьёс пöлысь кусо тупатыны быгатйсьёз ой вал, соин ик

тросэз колхозник'эс гуртазы бертоно луизы.

Бригадир'эс Кулышев Гр. но Изинидов Г. турнан доры жыт бертош азязы гинэ мыно, куддыр'я нош кошкыкузы гинэ. Соин тырмымтэ интыос соку ик быдтэмын ой вал. Турнасьёс пöлын нокиче массовой уж уг нуиськы, агитатор'эс али гинэ подобрать каремын. Массовой уж ёвлэн но бригадир'эс ляб кивалтэмен колхозник'эс турнаны 8-9 часэ гинэ мыно.

Али та тырмымтэ интыосты быдтон вылысь кулэ ужрад'эс кутэмын. Мукет колхоз'эслы тае учесть кароно.

Гр. Чувашев.

Умой ужасьёсты бырйизы

Та нунал'эсы медсантруд профсоюзын отчетно-переборной собрание ортчиз. Та собрание бездействовать каремез понна медсантруд союзлэн райкомезлэн ужез зол критиковать каремын вал.

Союзлэн райкомезлэн составаз медицинской интеллигенцилэн умой адымиосыз быр'емын, кылсярысь: Ср-Кечевской фельдшер—Будзимонова, фельдшер—Серебряков, ВКП(б) членэ кандидат, комсомолка но активной общественница—Ажимова но мукет'эсыз.

Медсантруд союзлэн обкомез но ВКП(б) РК районуысьтымы медицинской ужасьёс пöлын отчетно-перевыборной собрание орчтыонэн заинтересоваться. кариськиллямтэ, оло көня пол приглашать карыса представител'ёс собраниян ой вал.

Храмова.

Кизем юосты утялтоно

Пуро-Можгинской сельсоветысь „Виль сэрэг“ колхозын кизем юосты утялтон урод пунктэмын. Ненокен эскерымтээн но учкымтээн 4 гектар вылын көжы парсьёслы сюдэмын.

Та колхозлы бадзым убыток ваез. Нош колхозлэн правлениез кизем юосты утялтон понна ненокыче внимание уг вис'я. **Ад'ись.**

Урол кивалто

Районамы призывлы дасяськон ургд мынэ, озы ке но Райвоенкомат туж уг сюлмаськы допризывник'эсын ужанэн кивалтыны.

Кемалась ик ёвёл Ср-Кечевое допризывник'эслы 6 нуналлы оборонной значок'эслы норма сдавать карыны шуса люкаллызы, нош неномыр но ой вал. Көня ке дырлы гинэ Лукиных но Климов ветлйзы но нокиче но уж оз лэсьтэ.

Куриськом Райвоенкоматэз умой кивалтыны.

Заграницаысь телеграммаос

Китайын военной действоос

Южной Китайын

Кантон вылэ север паласы наступать карись Китайской войскаослэн отдельной отряд'эссы Цзяньшунь доры вуизы. Кантон дорысен со 16 километр кемын луэ.

Северной Китайын

Японец'эс 29 июне Чжуньюмоу городэз (Кайфын дорысен запад палан) басытэмзы вал. Китайской войскаос со нунал ик городэз берлань басытйзы.

Шаньси провинцилэн южной люкегэзлэн фронтэз японской войскаос Юаньшуй город дорын орчтем бойёсын трос калыксэс ыштэменызы военной операциосты лябомыто. Японец'эслэн Юаньшуй дорын 6000 мурт ёрос калыксы быремын но сёсыртэмын.

Центральной Китайын

Центральной Китайлэн фронт'эс аз али но чалмыт на. 11 японской самолет'эс Лихаун

городэз (Аньхуэй провинцилэн западной люкетаз) сёсь мылкыдын бомбардировать каризы. Бырыны шедем'ёс городын трос. Трос сюрс'эсын ляд'ясыкысь мирной калык улон юрт'эстэк кылемын.

Данцигын военной дасяськон'эс

Париж, 3 июле. (ТАС.). „Се-суар“ газет, Данцигысь басытэм иворез поттыса, вера, что Данциге оружие ваёя мынэ на. Та дыре Данцигын, данцигской полиция сяна, кунь военной органиациос вань: „добровольной корпус“, кудйныз германской офицер'эс кивалто, солэн кадр'эсыз 10 сюрс муртлы вуо, пограничной частьёс, куд'эсаз 1000 мурт ёрос ляд'яське но озы нимаськысь польской „легион“, кудйз Польшаысь эмигрировать карем немец'эслэсь кылдытэмын.

Склад'ёсты дыраз дасяно

1939 арын урожае октон-калтон сельскохозийственной продукт'ёсты дасяны сярэнь Удмуртской Обкомезлэн бюроезлэн но УАССР-лэн СНК-езлэн 14 июне 1939 арын постановлениязы вераське: „Нянез вискарятэк басытонэз но ыштон'ёстэк возёнэз обеспечивать карон выльсь уполнаркомзаг'ёсты но за готзернолэсь контораэз обязать кароно 15-тй июлэсь быдэстыны склад'ёсты, элеватор'ёсты но сушилкаосты умой лэстыонэз, ремонтировать но дезинфицировать каронэз, пункт'ёсты кулэ луись инвентарен снабдить каронэз“.

Та важнейшой постановление „Заготзернолэн“ Кечевской пунктаз уж вылын уг быдэмы. Склад'ёсты тупат'яны но дезинфицировать кароны умой-умой кутскымтэ, строительной материал'ёс уг ворттисько.

Ю т ы с е з перерабатывать но

Условие уг сёто

Гожнинской МТС-лэн 2-тй номеро тракторной бригадаэз Буденныйлэн нимыныз нимам колхозын ужа. Колхозлэн председателез Комаров тракторист'ёсты сибёнэн умой-умой обеспечить уг кары.

Кемалась ик өвёл трактор'ёсты вуэн обеспечить карымтэныз 5 час ужатэк сылызы. Жыт 28 июне юэменыз чукна ужаны наряд сётыны оз быгаты.

Пестерев, Петров.

„Выл сэрэг“ колхоз (П-Можгинской сельсовет) туэ арын октоно-калтоно 1640 гектар. Октоно-калтонэз решать карозы кадр'ёс но образцово дасяськем.

Колхозлэн председателез Туктарев 3—4 нунал юса контораэ уг пыра. Солэн сыче юэменыз тулыс кизён но кемалы кыстиськиз. Со колхозник'ёсын руководить уг кары, уборкалы дасяськем вунэтэмын.

Семёновы.

мертан уж урод организовать каремын. „Вим“ сортировка борды ужась кутыны кулэ 16-18 мурт, нош татын 27 мурт ужало.

Технической база лэстыны Бурановской, Н-Бурановской но К-Демьяновской сельсовет'ёсысь колхоз'ёслэн председателеэсы ужась кужым быдэсак вис'ятэк тех. база лэстыонэз жегато, нош „Заготзернолэн“ заводуюэз Тимофеев буйгатскем. Ужаны лыктэм колхозник'ёс пöльн агит-массовой уж уг нуиськи, трудлэн производительность улйын. Ужасьёс уг тодо асьсэлэсь нунал заработкаэс. Та сяна но татын тырмымтэ уж'ёс вань. Ларекын тамак, папирос но мукет'ёсыз өвёл.

Татысь урод уж'ёсты устранить кароно. Юэз принимать каронэз дасьялькен тупатон но ужасьёслы кулэ условиос кылдытэмын луыны кулэ.

Вас. Калистратов.

ЛЯБ ДАСЯСЬКО

Ст-Моньинской сельсоветысь „Восход“ колхоз октоно-калтон кампанилы умой-умой дасяськем борды оз кутскына. Та важнейшой политической кампаниез жегатскытэк ортчытыны понна уборочной инвентар'ёс, машинаос урод тупат'ясько.

Колхозник'ёс ужаны чукна 6 часын пото, соос уробоос угчаса ужан интыазы 8 часын гинэ мыно. Колхозлэн правлениез та'че ужез тупатон выльсь уг сюлмаськы.

П. Русинов.

„Кутер кутон“ колхоз (Аксакшурской сельсовет) ю октоно-калтонлы дась өвёл. Уборочной машинаос но мукет тырлык'ёс тупат'ямын өвёл.

Жаткаослэн тросэзлэн частьёсы өвёл, нош колхозлэн председателез Михайлов, частьёс басытыны уг ик малпа лэся.

Волков.

Петров нунал

Петров нунал праздник пыртэмын вал римской папаен ньылетй веке Петр но Павел апостол'ёсты казнить каремлы сизыса, кудиз будто ортчиз Римын 29 июне (вуж стилья) Нерон император вакытэ (54—68 ар'ёс)

Петрлы но Павеллы сизем праздник нырысь вал местной римской празникен. Ньылетй но витетй век'ёсын, ку римской папа волмытйз аслэстыз восточной черк'ёс вылэ влияниэз, та праздник ваньмызы христиан'ёслы обязательноен ялэмын вал. Шуг өвёл валаны, малы та кулэ луиз. Церковник'ёсын кылдытэм легенда вера, будто Петр 25 арескын вал римской черклэн главаеныз, нош кулон аяз аслаз приемник'ёсызлы, римской папаослы, быдэс мир вылын власть завешать кариз но оз сёты соослы „райлэсь устыонэз“. Римской папаос асьсэзыз „святой Петрлэн наместник'ёсынызы“ ниманы кутскизы. Та выжыкыл'ёс соосын кутэмын вал мировой господство басытыны понна.

Бадзым роль та дыр'я шудйзы подлог'ёс. Кылсярьсь, 850-851 ар'ёсы французской церковник'ёс подложной декрет'ёсты но мукет документ'ёсты, нырысетй векысь папослэн издаты каремзы шуса, быдэс сборник оборотэ лэзизы. Сборникын вераське, что папаос апостол Петр кусыпетй Христослэн шонер наследник'ёсыныз луо, соослэн властысь корольёслэн но император'ёслэн властысьлэсь выль, однако еще дас витетй векын доказать каремын вал, что сборникын документ'ёс подложнось.

Асьме дыре „Святой Петрлэн престолэз“ коммунизмы но Советской Союзы пумит нюр'ясконлэн мировой штабеныз луиз. „Святой Петрлэн наместник'ёсыз“ СССР-лы ненавистенызы вирос фашист'ёслэсь уг кылэ.

Россия Петров нунал Византись христианствоен Чош поттэмын вал. Празднованилэн дыр'ёсаз со тупаллаз турнаны кутсконэн, соин Петр невежественной адямиослэн син аязы сельской хозяйстволэн небесной покровителеныз луиз. Турнаны кутскылызы Петров нуналысь гинэ. Петров нунал кулак'ёс, крестьян'ёсты сектаса, соослэсь общественной покос'ёс-сэс дунтэмен октылызы. Та сяна Петров нунал чорыгасьёслэн празникенызы лыд'яськиз, нош Петр—чорыгасьёслэн покровителенызы Та нуналэ рыбпромышленник'ёс чорыгасьёсын тулыс кутон'я расчет ортчыт'язы, но пользоваться кариськыса праздничной пьянкаен, öркчаллазы соосты расчет дыр'я.

Октябрьской социалистической революцилэн вормонэз, социализм лэстыон, бадзым просветительной уж массаосын религиялэсь но черк'ёслэсь влияниэс вандизы. Однако отсталой население пöльн религиозной предрассудок'ёс кылызы на. Соосты куту уже асьсэлэн вредительской ужазы калыклэн враг'ёсыз. Поп'ёс та дырозь верующой колхозник'ёслы верало, что турнанэз Петров нуналысь кутсконо, нош со дырлы турын переставать каре ини.

Та вред шоры ас дыраз возмат'яз Киров эш: „Кулэ,—вераз со,—азыло дырлэн дедовской обычайёсыныз быдтыны, ку сельскохозийственной уж'ёслэсь срок'ёс-сэс инлы приноравливать каризы...“

Кулэ ке вал кутскыны турнаны, то вераллазы, что турнаны кутскыны кулэ Петров нуналэ, азыло но берло но өвёл кулэ... Нош асьмеос Петрлэн, Павеллэн но Ильялэн нунал'ёсынызы гинэ действовать карим ке, то со ненокыче умойлы уз вайы“.

М. Искринский.

1700 арын кутскиз Россия но Швеция купсын война. Та войнаез историк'ёс Северной войнаен нимазы.

Швеция но солэн королез Карл XII нуизы несправедливой но захватнической война, Карл малпаллаз басытыны Прибалтикаез но Балтийской морелэн кузёныз луыны. Россиялы северной война справедливой, государственной независимосты понна, иноземной захватник'ёслы пумит войнаен вал.

Еще 1700 арын сизыл шведской но русской войскаос купсын Нарва улын сражение ортчиз. Та сраженин урод вооружить карем русской войскаос пазыгемын вал. Пораженилэн главной причинаез вал русской армией командовать карысь иностранной генерал'ёслэн предательствоэз.

Та бере Карллэн вормонтэмен прославить карем армиез датской но польской армиесты пазыгиз. Нош 1703 арын аслыз оскыса Карл сю сюрсо армией Россиялэн предел'ёсаз вторгнуться кариськиз. Со решить кариз покоритьтыны не только Прибалтикаез гинэ, а быдэсак Московской государствоез.

Петр Нарва бере ик аслэстыз армиез реорганизовать но перевооружить карон борды кутскиз. Көня ке ар купсын со русской адямиос пöльсь квалифицированной командир'ёсты дасяз, дышетйз выль тактикалы солдат'ёсты, преобразовать кариз промышленностез, лэстытйз кужмо военно-морской

Полтавской битва

флот, создать кариз бадзым военной запас'ёс.

Родинаэз защищать карыса русской армия гинэ оз жугиськи, а вань русской калык. Та чалык адскиз войналэн мыноназ. Чигнаса, русскойёс быдтылызы ваньэз, мае уг луы вал басытыны борзасы. Шведской армиеын кутскиз голод.

Шведской армия кык потокен двигат'я кариськиз. Солэн главной кужым'ёсыз Карллэн кивалтэм улсаз мынйзы западысь, Польшаысь. Нош северысь юге главной кужым'ёсын огазеяськыны мынйз 16 сюрс'ем Левенгаутлэн корпусэз.

Москвае Смоленскетй мынонэзлы осконэз ыштыса, Карл измемниклэсь—Мазепа гетманлэсь предательствоэз уже кутыны малпаз но Украина вылэ берытскиз. Петр швед'ёслэсь та янгышсэ использовать кариз но аслаз дас сюрсо „лобась корпусэныз“ Леснойын Левенгаутлэсь корпусэ пазыгиз. Та бойын бырыны шедизы 8 сюрслэсь но трос шведской солдат'ёс. Русской'ёс нош öжйт гинэ сюрслэсь трос адями ыштызы.

Украинской калык оз мыны измемник-гетман но солэн покровителез Карл бöрсый. Со понйз вань кужымзэ русской калыкы юрттоноэ.

1709 арлэн апреляз Карл кыскиз вань аслэстыз кужымзэ Полтава доры но осадить кариз сое. Со

малпаз, что чалык бастоз та удовольствием но боевой снаряжениен узыр городэз. Но осажденнойёс не только отражать карылызы швед'ёслэсь яростной атакаоссэ, но асьсэос но враг'ёслы бадзым ущерб нанести карылыса чем вылазкаос ортчыт'яллызы.

Со купсын полтовчанец'ёслы юртныны дыртйзы русской войскаос. Петр Полтава доры 42 сюрс мурто армиез люказ. Полтава доры русской солдат'ёс мынйзы валаса, что асьсэлэсь родинаэз иноземной захватчик'ёслэсь освободить карон понна, Россиялэн независимостез понна берпум решительной бое мыно. Соослэн боевой порывыз юнматэмын вал Петрлэн сражение азын поттэм приказныз:

„Войн'ёс!.. Вуиз час, кудиз решить кароз отечестволэсь судьбаэз. Тй эн малпалэ, что Петр понна нюр'яськиськоды, а Петрлы сётэм государство понна, аслад родлэд, отечествод понна...; Петр сярэсь малпалэ, что солы улон дуно өвёл, только мед улоз Россия блаженствоын но асьмелэн благосостоянылы славаын“.

Русскойёс тодйзы боез 27июне кутсконо шуса Карллэсь решениэз но умой дасяськызы оборонаысь наступление выжыны. Петрлэн косэмеэз'я русской солдат'ёс фронтсылэн аяз көня ке укрепление лэстытйзы.

Вазь чукна 27 июне Карл войскаосэ русскойёс вылэ вырзытйз. Швед'ёс сразу русской орудиеслэн ураганной тылзы улэ шедизы. укреплениеос кусыпетй потыны туртскыса, соос сюрлызы перекрестной ыбылон улэ. Враг нуиз трос ыштон'ёсты но замешательствоэ вуиз. Соку русской войскаос наступление выжызы.

Русской солдат'ёслэн храбростысьлэн предел'ёсыз бй вал. Соос, Петрлэн выражениез'я, „öz щадить каре асьсэлэсь, улонзэс сюрс кулон'ёс вылэ кышкатэк куштылыськызы“. И соос вормызы.

Карллэн войскаоз пазыгемын вал. Кутскиз панической пегзён. Полтавской бусые аслэстыз солдат'ёсызлэсь 9.324 шойёсэз кельтыса пегзиз Карл но. 18 сюрслэсь трос швед'ёс асьсэлэн армиезылэн руководствоенызы огазын пленэз басытэмын вал.

Полтавской битва вань северной войналэсь исходэз решить кариз. 1719 но 1720 ар'ёсын Петрлэн войскаосыз Шведцилэн территорияз воевать каризы ини. Та заставить кариз швед'ёсты 1721 арын Нейштатской мир курыны но подписать карыны.

Полтавской битва—русской калыклэн иноземной захватник'ёслы пумит, асьсэлэн родиназылэн независимостез понна вооруженной героической нюр'яськиськызылэн яркыт эпизод'ёсыз пöльсь одйгез.

Редактор—Г. М. Иванов.

Поттйсь—Райисполком.